

Mazarin
3679

Les soldats sorties
de Ville-Ivifve sans congé

RARE BOOK
COLLECTION



THE LIBRARY OF THE
UNIVERSITY OF
NORTH CAROLINA
AT
CHAPEL HILL

Mazarin
3679

UNIVERSITY OF N.C. AT CHAPEL HILL



00023011009

LES

3679

SOLDATS

SORTIES

DE VILLE-IVIFVE

SANSCONGE.

EN VERS BURLESQUES.



A PARIS,
Chez NICOLAS DE LA VIGNE,
près Saint Hilaire.

M. D C. XLIX.
AVEC PERMISSION.

2

LES SOLDATS

Sorties de Ville-luifue sans congé.

EN VERS BURLESQUES.



Oïsin, quand i'auray satisfait
A la santé que tu m'as fait
Ie te veux conter vne histoire,
Mais auparauant il faut boire,
Car i'ay veu souuent par escrit

Que le vin esguise l'esprit.
Sus, c'est fait, ce coup d'Ambrosie
Develope ma fantaisie,
Et d'esprit ie suis bien pourueu
Pour te dire ce que i'ay veu.
Ce matin, ainsi que l'aurore
Ne faisoit que paroistre encore,
Que las du repos de la nuit
I'ay voulu sortir de mon lit,
Le temps serain comme vne rose
M'a fait preietter vne chose,
Car comme il y a bien long temps
Que ie n'ay veu les passe-temps
Que la campagne nous apporte,
Et d'autre chose qu'à la porte
L'on n'empeschoit plus de passer
Iusqu'à ce qu'on vienne à cesser
Cette importante conserance,
qui doit mettre en repos la France,
I'ay voulu sortir de Paris
Pour regaillardir mes esprits.
Voisin, faut que ie te confesse
Que lair m'a fait vne careffe,

Et que jamais autre plaisir
N'a tant contenté mon desir.
Dans les champs l'air doux & plaussible
Faisoit que tout estoit paisible,
L'alouëte alloit fredonnant
Son tire-lire, & me donnant
Vn contentement si extreme
Faisoit que ie chantois de mesme,
Mais Dieu sçait si ce pauvre chant
Pour moy sera bon ou meschant,
I'ay bien peur qu'un pendart iusigne
Me face chanter comme un Cygne.
Il n'importe, car tout ira
De la façon que Dieu voudra.
Lors que i'eus passé la compagne
Ie fus conduit sur la montagne
De ville-Iuifue, d'où ie ne vis
Que Paris estoit vis à vis.
Là un peu plus haut que la terre
Ie vis vne table de pierre
Assise sur quatre pilliers
D'où l'on descouure Auberuilliers.
Cette table n'est là posée
Pour y traiter vne espousée
Ny pour y faire un bon festin,
Mais elle y est assise afin
De monstrier par geometrie
Qu'elle apareille simmetrie
Et toute la mesme hauteur
Que ces tours, de qui la grandeur
Et la façon prodigieuse
Rend plus nostre ville orgueilleuse
Que Memphis ne fut autrefois
Pour le Mausolee de ses Roys.
I'en ay voulu faire l'esprouue,
Et pour moy, sans mentir, ie treuve
Que celuy qui l'a supputé
Ne desment point la verité,

I'y guignay l'œil, avec attente
 Pour rendre mon ame contente.
 Vn peu plus loin le rencontray,
 Vn suisse de rouge accoustré
 Qui par son arme, & sa desmarche
 Gardoit vn grand moulin qui marche,
 Le meusnier habillé de blanc
 Ne laissoit pas d'estre aussi franc
 Comme si par toute la terre
 N'y auoit iamais eu de guerre,
 Et ses mulets asseurement
 M'eslangeoient leur hannissement
 Avecque le hasticotage
 Du Suisse parlant son langage.
 Le corps-de-garde estoit plus bas
 Eloigné bien de quinze pas,
 Les armes y faisoient parade,
 Et chacun à son camarade
 Avec la crouste de pasté,
 Faisoit vne grande santé.
 Bons Suisses, ie vous porte enuie,
 Car vous auez miex vostre vie
 Que les François dans leur pays,
 De cela ie ne m'esbahis,
 Car c'est vn vray mot qui se glisse,
 Sans argent on n'a point de Suisse.
 De là ie marchay plus auant
 En laissant ce moulin à vent,
 Et sous la porte du village
 L'on n'empescha point mon passage,
 Et quoy que l'on la garde bien,
 Neantmoins on ne me dit rien.
 Quand ie fus passé la muraille,
 Qui ne vaut, certes, rien qui vaille,
 J'apperçeus marcher par milliers
 Des pietons & des Cavaliers,
 Qui alloient à droit & à gauche,
 L'on y faisoit peu de desbauche,

Car

Car les foldats à toute main
 Crioient qu'ils n'auoient point de pain,
 Et que l'Amonitionnaire
 Venoit plus tard que d'ordinaire.
 Je vist tout proche d'une croix
 Des chaudrons sur vn peu de bois,
 C'estoient des eschalas ie pense,
 Ces chaudrons auoient dans leur panse
 Du brouët assez grand foison
 Qui bouilloit dessus vn tison,
 Quelques petits morceaux de truye
 Plus hideux & noirs que la fuye
 Nageoient dedans cette mer là,
 Et se monstroient par cy par là,
 Faisant des tours de passe passe,
 Car ils auoient assez d'espace.
 Des Soldats estoient tout auprès
 Aussi tristes & aussi frais
 Q'un glaçon que l'hyuer amaine,
 Et sembloient auoir de la peine,
 Et se retenir de fripper,
 T'en veis bien quel ques vns couper
 De la soupe, & donner l'escuelle
 Au gargotier qui vit dans elle.
 Deux euilleres de bouillon
 Que les soldats trouuoient fort bon,
 Car tousiours, i'en ay fait l'espreuue,
 L'appetit dans leurs dents se treuue.
 Quel ques vns iuroient assez fort
 Et par la teste & par la mort
 qu'ils attendoient leur capitaine,
 Et que c'estoit chose certaine
 Qu'il leur apportoit de l'argent,
 Mais qu'il se rendoit negligent,
 Et qu'il estoit dans cette affaire
 Trop long temps à leur satisfaire.
 Je vous iure par saint Patin
 Que i'eus pitié de leur destin,

Et que tout pensif & tout triste
 Je me tiray de là bien viste :
 Je n'eus pas cheminé trop loin
 Que ie vins à gaigner le groin
 D'un soldat de ma connoissance,
 L'en eus de la reiouyffance,
 Et rencontrant à qui parler
 Je ne tarday point d'y aller,
 En luy faisant la reuerence,
 Car alors i'eus bonne esperance
 Qu'il faudroit rincer le godet.
 Boniour, luy disie, mon cadet,
 Je croy que c'est vn bon rencontre,
 Qui me donne vostre rencontre,
 I'estois tout seul icy venu
 Cheminant comme vn inconnu,
 Et mon humeur melancholique
 Me donnoit desia la cholique,
 Mais puis que ie vous ay trouué
 Allons nous en sur ce paué
 Et nous boirons pinte & chopine,
 Et fripperons quelque cuisine.
 Aussi tost dit, aussi tost fait,
 Car tout content & fatisfait
 Il me suiuit sans contredire,
 Dont ne peus me tenir de rire.
 En beuuant il ne pensoit pas
 A d'autre obiet qu'à son repas,
 Et ie vous iure qu'à grand peine
 Je peus tirer de son haleine
 quelque parole de bon sens,
 Tant ses morceaux estoient glissans.
 quand il fut saoul ce fut à l'heure
 qu'il me fit sçauoir la demeure
 Des Generaux avec le doigt
 La monstrant à gauche & à droit.
 A la fin du Bourg nous sortismes,
 Et venant dehors nous y vismes

Vne quantité de soldats
 quiauoient tous le pourpoint bas,
 Et faisoient des fossez en terre,
 Comme c'est la mode à la guerre.
 Mon guide avec moy s'auança
 Et sans tarder il commença
 De deslier vn peu sa langue
 En me faisant cette harangue.
 Monsieur, me dit-il hardiment,
 C'est icy nostre regiment
 qui traueille à cette branchée,
 Voyez comme elle est bien auchés,
 Que ce talus est bien conduit,
 Qu'il est bien vny, bien enduit,
 Que ce fond poly comme glace
 Est couppé d'vne bonne grace?
 La banquette est bien faite aussi.
 Pour moy ie trauallois icy
 Mais j'ay perdu tout le courage
 De continuer mon ouirage,
 Car ie vous iure sur ma foy
 qu'il y faut d'autre ouurier que moy.
 Ces lignes sont vraiment les marques
 que nous redoutons bien les parques,
 Car le prince estant courroucé,
 Dés long-temps nous a menacé
 De nous venir liurer bataille,
 Mais il n'y fera rien qui vaille
 Car voila pour le soustenir
 S'il entreprenoit d'y venir.
 Parbleu nous ferons resistance,
 Le corps de garde qui s'auance
 Et tous ceux des autres costez
 Reprimeront ses vanités,
 Car vous scaurez que tout s'accorde
 Avec vn si iuste & bon ordre
 que chaque regiment a soin
 De descourir tousiours de loin,

Et qu'il ne paroist vne mouche
 Qui puisse écorcher nostre touche.
 Dauantage de tous costez
 Nous auons encore apostez
 De fort bonne cavalerie
 Qui n'entend point de raillerie,
 Elle est à cheual iour & nuict,
 Et le trauail est son deduit,
 Elle iure aussi par Saint George
 Qu'elle fera bien rendre gorge
 A ceux qui voudroient tant oser
 Que de se venir opposer
 A ses escadrons de furie,
 Il y auroit de la turie
 Assurement, & cet effort
 A beaucoup causeroit la mort.
 Ioint que ces lignes qui sont faites
 Pour seruir de fortes retraites
 Aux regimens qui sont icy
 Nous pourront bien couvrir aussi,
 Car de tous costez que la veüe
 A l'entour peut estre estenduë
 Nous y pourrons nous terrasser
 Si l'ennemy vouloit passer.
 A ces mots du soldat, arriue
 Son caporal, lequel me priue
 De son agreable entretien
 Où ie rencontrois tant de bien,
 Et ie fus si morne & si triste
 Que ie men retournay bien viste
 A Paris, où ie t'ay trouué
 Mon voyage estant acheué.

F I N.

